

Ed.

658. Breytingartillögur

við frumvarp til laga um áhrif kjötverðs á framfærsluvísitölu.

Frá meiri hluta fjárhagsnefndar.

1. Við 2. gr. Greinin orðist svo:

Mismun á útsöluverði og vísitöluverði kjöts þess, er um ræðir í 1. gr., skulu menn, með undantekningum þeim, er í 3. gr. segir, fá endurgreiddan árlega úr ríkissjóði frá 20. sept. 1945. Niðurgreiðslan skal þó eigi nema meiru en sem svarar verðmismun á 40 kg á nýju kjöti á ári fyrir hvern mann og hvern þann, er hann hefur á framfæri sínu.

2. Við 4. gr. Greinina skal orða svo:

Skattanefndir eða skattstjóri í hverju umdæmi skulu um leið og samin er skrá um tekju- og eignarskatt, semja skrá um allá þá, sem rétt eiga á niðurgreiðslu á tímabilinu frá 20. sept. næst á undan til jafnlengdar, og skal skráin miðast við síðasta manntal. Um framlenging kjötskrár, kærur, fresti og úrskurði fer eftir ákvæðum þeim, er gilda um skattskrár, eftir því sem við á, þó þannig, að úrskurður yfirskattanefndar um rétt til niðurgreiðslu er fullnaðarúrskurður.

Gjalddagi niðurgreiðslna er á manntalsþingum, og er heimilt að nota þær til skuldajafnaðar við ógreidd þinggjöld hlutaðeigandi.

3. Við 5. gr. Orðin „ákvæði kjötmagn“ falli niður.

4. Við 6. gr. Greinin falli niður.

5. 7. gr. verður 6. gr.

6. Aftan við frv. koma Ákvæði til bráðabirgða:

Um áhrif kjötverðs á framfærsluvísitölu á tímabilinu frá 20. sept. til 20. des. 1945 fer samkv. ákvæðum bráðabirgðalaga nr. 81 frá 29. sept. 1945. Niðurgreiðslur fyrir tímablið frá 20. des. 1945 til 20. sept. 1946 falla í gjalddaga á manntalsþingum 1946.